



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

DE MEMBRIS ECCLE-||SIAE MILITANTIS,|| TRIBVS LIBRIS|| EXPLICATA.||

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

XXVI. Idem asseritur ex responsis Pontificum & Imperatorum.

[urn:nbn:de:hbz:466:1-53880](https://nbn-resolving.org/urn:nbn:de:hbz:466:1-53880)

Etiam ab Abbate, quando praeceptum ei fuerit, agat penitentiam, & post satisfactionem reuertatur ad gratiam.

Iudicium Ecclesiae Germanicae, patet ex Concilio MOGUNTINENSI, tempore Arnulphi Imperatoris, cap. vltim. Quae propositum castitatis assumpserint, aut monasterij claustris regulariter constringantur, aut domi manentes, castitatem suae professionis integerrime custodiant. Ibidem confirmatur decretum 13. Concilij Elibertini, & sextum Coloniensis Concilij, sub Carolo Crasso, in quibus statutum fuit, vt Virgines sacrae, si semel votum violauerint, pactumque virginitatis perdiderint, solum in fine vitae communionem percipiant: si autem libidini diu seruierint, ne in fine quidem eam accipiant. Multa item de vita Monachorum & Sanctimonialium habentur in Concilio Moguntino, sub Rabano.

Iudicium Ecclesiae Italicae, patet ex Concilio ROMANO sub Syluestro, can. 10. vbi prohibetur Episcopus benedicere virginem, quae nuptias aliquando expetiit, nisi diu fuerit eius pudicitia probata. Et ex Concilio FOROVLIENSI, tempore Caroli Magni: Item placuit de feminis cuiuscunque conditionis, puellis scilicet vel viduis, quae virginitatis, siue continentiae propositum spontanea pollicentes, Deo mancipata fuerint, & ob continentiae signum nigram vestem, quasi religiosam, sicut antiquus mos fuit in his regionibus, induta fuerint, licet non sint à Sacerdote sacratae, in hoc tamen proposito eas perpetim perseuerare mandamus. Si vero postea, siue clanculo, seu publice nupserint, dignis quidem mundano iudicio corporalibus coercita vindictis, segregentur ab inuicem, & agant cunctis diebus vitae suae penitentiam, &c.

CAPVT XXVI.

Idem asseritur ex responsis Pontificum & Imperatorum.

TERTIO, probanda est responsis aliquot veterum & sanctorum Pontificum. Ac PRIMVM CLEMENS lib. 3. constituit, Apostol. cap. 1. Quare, inquit, oportet non temere facere professionem, sed

cum consilio & consideratione. Præstat enim, eam non vovēre, quàm vovēre, & non reddere. De viduis loquitur.

SIRICIVS epist. I. cap. 6. dicit, nec publicas leges, nec in Ecclesiastica vllō modo permittere Monachis vel Sanctimonialibus nuptias post votum.

INNOCENTIVS I. epist. 2. cap. 12. dicit, eas, quæ post votum nupserunt, esse adulteras Christi, id est, sacrilegas.

LEO I. epistola ad Rusticum Narbonensem Episcopum quæ est 90. cap. 13. Propositum, inquit, Monachi proprio arbitrio & voluntate susceptum, deserere non potest absque peccato. Quod enim quis vovit Deo, debet & reddere. Idem dicitur te sequenti de Sanctimonialibus.

GELASIVS epist. I. cap. 22. Virginibus, inquit, sacris tenentibus se quosdam sociare cognovimus, & post dicatum Deo propositum incesta fœdera sacrilegâq; miscere, quos protinus a communione est à sacra communione detrudi, & nisi per publicam penitentiamq; penitentiam omnino non recipi, &c. Idem cap. 23. viduas etiam peccare, si post votum nubant.

Denique, GREGORIUS I. lib. I. epist. 33. ad Venantium Considera, inquit, quanto periculo in diuino iudicio digneris, qui te metipsum Deo omnipotenti, cui sub monachali habitu deuoueras, subtraxisti, &c. Et epist. 40. ad Anthemium, iubet Monachos, si vxores ducunt, debere separari, & remitti ad monasteria.

His accedant responsa etiam Principum politicorum. Scribit enim Eusebius lib. 4. de vita Constantini, fuisse abrogatam à Constantino antiquam legem Romanorum, quæ priuabantur successione hæreditaria homines steriles, vel orbatī liberis. Causam autem abrogationis scribit fuisse propterea eos, qui religionis & pietatis gratia ex voto cœlibatū colebant, ne videretur lex politica pietatem velle perire. Rursus, cū tempore Iuliani Apostatæ cœpissent quidam sacras Virgines in coniugium petere, Iouinianus Imperator Christianus, qui Iuliano successit, legem tulit, ne capite plecteretur, qui sacram Virginem, vel ad coniugium petere, vel etiam impudicè aspicere deprehensus fuisset. Scribit hanc historiam Sozomenus lib. 6. histor. Ecclesiast. cap. 3. & extat adhuc ea lex in Codice, L. Si quis, de Episcopis & Clericis. Quæ lex si hoc tempore obseruata fuisset, Marti-

nus Lutherus, cum non paucis ex suis, iustissimè caput amiserit.

CAPVT XXVII.

Idem asseritur testimonio Patrum.



Quarto probanda est testimoniis Patrum. Sanctus **IGNATIUS** epistola ad Tharsenses iubet honorari Virgines Deo sacras. Et epistola ad Antiochenes: *Virgines, inquit, agnoscant cui se consecrauerunt.*

DIONYSIUS Eccles. hierarch. cap. 6. part. 2. describens ritum, quo initiabantur Monachi, dicit eos publicè in Ecclesia promittere, se renunciare vitæ diuisibili, id est, vitæ seculari, secularis enim diuisus est, vt Apostolus dicit I. Cor. 7. cum partim de Deo, partim de vxorè cogitet.

MARTIALIS epistola ad Tholosanos, capit. 8. dicit se Valeriæ virgini persuasisse, vt virginitatem suam Deo voueret, quod etiam Iphigeniæ suasisse Matthæum scribit **Abdias** in eius vita, & Theclæ B. Paulum scribit S. Ambrosius lib. 2. de virginibus, & Flauiæ domitille S. Clementem scribit Beda in martyrologio die 7. Maij, cuius etiam meminit Eusebius in Chron.

TERTULLIANUS libro de uelendis virginibus: *O sacrilega manus, inquit, qua dicatum Deo habitum detrahere potuerunt, quid peius aliquis persecutor fecisset, si hoc à Virgine electum cognouisset?* Et in fine libri: *Nupsisti, inquit, Christo, illi tradidisti carnem tuam, illi sponsasti maturitatem tuam.* Et ibidem: *Quid, inquit, faciet ipsum continentia votum?* &c. Et libro de Monogamia, ultra medium: *Habentes, inquit, iudicium, quod primam fidem resciderunt, illam uidelicet, à qua, in uirginitate inuenta, & professæ eam, noluerint perseuerare.*

CLEMENS Alexandrinus Strom. 3. initio: *Est ergo, inquit, continentia, corporis despicientia conuenienter pactis conuentis cum Deo iunctis.* Et in fine libri: *Dominus, inquit, dixit, qui uxorem duxit, non repudiet eam; qui non duxit, non ducat; qui autem professus est se nunquam ducturum, sine uxore perseueret.*

ORIGENES